

—> AGLAIT <—

ILLUNAINORTUT.

Nr.22

Nain, April 1905.

Nr.22

O k a u t s i t ô m a n a r t u t .

Okpertut tamaita kujalijutiksakadlarput kiglgiutaujung-
nangitomatik okautsit ômanartut Gûdiblo okausingit tun-
nijaungmatta inungnut. Okautsit ukkoa tukkisititsivut
tamainik attoriakartaptingnik kaujijariakartaptingniglo
inotsemelo tokomelo. Taimaidlune imgerusiortib nâma-
mariktomatik okautigivait imâk: „Ittikama okautsitit kau-
maksaitigivait, kaumaneovlutiglo apkosinimne.” Img.119
Inuk arvertarnermine nuname tâksiorpat sivumuarnermik
kaujijungnairlune tagva okautsitigut ukkutigûna tessior-
taujungnarpoK apkomut ullapirsartauvionartomut.

Illâne kenertut okautsine ukkunane katsungatitauvut
mungungatitauvlutiglo, tukkisitsainalunginamik attuar-
tamingnik. KatsungajokarniaraneletôK! Okautsit ukkoa
kilangmiunut Engelinullônêt pitsartujunut aglaktaungilat,
inungnulle ajortolingnut illingatitauvut kiglinganit. Gû-
dele pingortitsilauktok inungmik pijungnarninganiglo
tamna sakertitsilaurivok okautsinik inub tukkisijungnar-
tanginik. Gûdib Anerninganut illumertauguvit, atuartavit
tukkingit tukkisitailiniangilattit.

Kanok tagva aglait heiligit atuartaujuksauvât ? Kajusijuksaungilagut versinik unuktunik kapitelemig-lônêt attauseongitomik atuarsiluta attautsikut, versible versillônêt ikkitut okausingit tamât issumaksarsiorutigi-lugillo nautsertoraksarivavut, okautsillo nangminipting-nut kissiane illingajojârtillugit. Uvagut nunamiongojogut nunablo pingine suliakainartogut, avinasuariakarpogut nangminiptingnik tamakkonangat annikitomik unêt, tukisijungnarkovluta takpaunga kilaublo Nâlegauvianut illingajunik. Jêsetauk inukangitomot aikattalaukrok, inugiartoksuit kemaklugit, kilaublo pingit, Atâtablo kilangmêtub kaitangit kuviaginiarlugit.

Okautsinik atuarsitillutit Gûdib angersimaningit kemergoluarkit. Kiksarniptingne kanoênipitingnelo tap-koa manigornadlarput. Kiksaluakattarpogut kaujimangi-napta angersimajunik, angersimajullo nangminerilung-inaptigik. Okautsit taimaitut pivalliajutigilauktavut titterumut nellunaiikutakartilavut aglakotiptingne, kingornganetauk erkaititaukovluta Nâlekab nâpkigosung-ninganik, nutâmiglo manigortaulemikovluta tamakkonunga.

Idluarkutigîvavuttauk okautsit saimautigilauktavut tai-muktaruptigik. Jêseuse, Satanasemut ôktorluktaugame, kiongênalaukrok: „Imâk imâglo aglaksimavok.” Oktor-luktauniptingne taimatsainak omisukte tamna salagijung-narpavut. Kol. 3, 16.

Piluarlutit Jêseuse kenneruk aglangne hailigine, tamna inogutigivavut tapsomalo piniarningit okausingillo pat-

tangaijutigivavut. Nangminerle okautivâtigut imâk: „Aglangne kenneritse, inôtsemik nungusuitomik pitakarasugigapse tapkonane tapkoangovullo kiglīgiudsijut uvamnik.” Aglangne ukkonane Jêsuse nagvaraksauvok, nagvarangnele illañârivlugolo tagva pillorikpotit. Tamna sapangauvok pivianartok, tamna puilaviovok inôgutelik. Tamna nellautaijut apostelillo illûnatik kiglīgiutigilaukpât, attekangilarlo nuname ivlernarnersamîk. Jêsuse illitarigungne okausingillo nangminerivlugit, tagva illitarsivotit nangmindekarpotillo okausiojunik tamainik, ajungitut tamaita Jêsume katititaungmatta.

Atuarsijub tuksiarutingit

Nâlegak Gûde kilangmêtotit, kujagivaptigit, okautsigit ut ukkutiguna kaujitigaptigit pijomajarnik, uvagut illiniarkovluta okpernermik idluarnermiglo piloringnermiglo. Taimaimat tunitsivigilaunga Anernernik ajunginermik, ijîkka angmartitaulek kovlugik, takokovlungalo malligaksaukojavit tattamnartullininginik, okpertungor-titaunersauvalliarkovlunga okausernik, issumakka pijomausikkalo sangutitaulek kovlugit tapkununga, kiglīgiutsinitit kuviagilugit perkovlunga, ômamullo okperkovlunga illingnut, okautsitillo mallingniarasuarlugit. Amen.

C. S.

T a k k î t a t t i n g i t .

Takkît attingit attortavut nutaungimarikput; itsaksoarme âkiktaumavut Romiunut, nellojôtillugit sulle. Taipkoa okausinginittauk pivut. Tatataminjariakangilagut tagva, attit illangit nellojut taipkoa Gûdingoarilauktanginut illingangmatta.

Januare attekartitaumavok taimak, ill ngatitaugame Gûdingoarmut Janusemut „pigiartitsijomut tamainik.” Uvlut nainerpângat kângersimatillugo uvlut pigialerivut perorpalliavlutik Januareme.

Februare imaipok: ullapirsaivik. Takkerme tamattomane nellojut uvloksiulaukput, tokungajut anerningit ullapirsasuarlugit tunnergutiksagit.

Merze illingatitauvok Marsemut, sûtjat Gûdingoakotinganut.

Aprile imaipok: nuilervik, operngâme perortut nuimatta. Mai illingatitauvok Gûdingoarmut Majamut.

Juni Julilo attekartitauvuk taimak angajokaulauktuk Romame nertornautiksangangnut.

Auguste attekarpok taimak attaniviksûb Augustusib (taijaujub Luk. 2, 1) attinga malliklugo.

Septembere, Oktobere, Novembere, Dezembere imaiput: takkît sibangat, achingat, neiningat, zeningat. Attit tamakkoa nellautsilungilat uvaptingne. Kissiane pigiarnerme jâre takkekartitaulaukpok Romiunut 10 tuinarnik, jârelo pigialaukpok Merzeme. Ovatsiarolermat kissiane jâre 12 nik takkekartitaulaukpok takkillo attingit illakartitaulaukput Januaremiglo Februaremiglo.

A. M.

I s s u m a n a r t u t .

8. Nagvaleritse aglangne attiojungnik maggungnik adsigêkasaktungnik aglakut attausekut adsigêngititaujungnik.

9. Attaniviksuit pingasut taijauvut Testamentitâme nelliangovât?